






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63

Antonij Lolij Geminianensis oratio Circūcisionis dñice:
habita coram Innocentio octauo pontifice maximo frequentī
R. Car. senatu. kalē. Januarij.

Bellum tibi hodie indicimus Manichee: cui licet imbel-
les simus: ac vires tanto oneri impares habeamus: illius
tamen auxilio freti. Qui dicit: Aperi os tuū: et ego adimplebo
illud. Qui mundat labia imperfecti: orandi discriminosa pa-
lestram nudi ingredimur: cū appelle progressuri et Manicheo: e
quibus opima spolia reportaturos nos ac victorie triumphus:
(deo auxiliante) cōfidimus. Ergo ades: et vultu placido mea
pectora virgo respice: que xpm pariens pro crimine primo: Eri-
pis antiquos tetro de carcere patres. Ave Maria etc.

Si (iuxta Philonis sententiā) cum difficultate que sunt in
terra cognoscimus pater sancte: quo ingenio: qua mente poter-
rimus ea que sunt in celis apprehendere: cū omnē metam: oēm
terminū humane rationis excedant: Cum perscrutator diuine
maiestatis opprimat a gloria: quaz vsus ignorat: ratio nescit:
mens non capit: lingua silet: creatura mirat. Soli enim deo (se-
cundū ppheticā danielis vocemus) datū est sacri misterii, co-
dicem aperire. Solus ipse aperit: solus claudit. Legamus (dū
apertus est) libzū hunc. qz si clauserit nemo nobis aperiet. Ape-
ritur hodie humano generi circūcisionis liber: referat primus
codex acerbissime passiōis: emanat et fluit primus sanguis in
nostrā redemptionē: didicimus hodie nostri parentis nomen
qui Iesus in circūcisione appellatus est. Venit enim vt mūdū
saluet: vt muri Hierusalē edificent: quos sola primoz patrum
transgressio adequarat. Non suffecerat nasci xpm miseris mor-
talibus: nisi (postqz cōsumati sunt dies octo) sanguinē adhuc
puer cepisset circumcisis effundere. Cuius quidē circūcisionis
originē: formā: misteriū: breui ppendio pertrāsibimus. Silētiū
ergo humanissimi auditores: peperit enī Maria virgo et timer-
ne vagiētis pueri vocem Herodes excipiat: timet ne quis defe-

J. B.



rat: ne quis loquat̃. ¶ Si humani generis decursus beatissime
papa Innocenti recte animo inetiatur: videbimus a deo hu-
manū genus: nullo vnq̃ tempore fuisse nulla etate relictū: sed
apud eum cuius propriū misereri est: potuisse semper pietatis
fontes vberimos reperiri: hanc pietatem: hanc gratiam: Cuz
pater primus noster Adam suo arbitrio perdidisset: et vniuer-
sam infecisset prosperitatē. Continuo filiū eius Abel in gratiā
reuocauit deus: et de manibus suis sacrificiū (nō respiciēs prīs
inobedientiā) pie humaneq̃ suscepit. Deinde super Enoch: su-
per Enos et Noe vsq̃ ad Abrahā misericordia in eo comperta
est: qua humano generi (licet non vniuerso) mira benignitate
succurrit. Nec satis sibi in sortez elegisse paucos fuit: nisi et Abra-
ham in multaz patrē gentiū constitueret: huius mistice circū-
cisionis auctorē. Hic enī primus octauo die transacto Isaac pu-
erū circūcidit: pro quo cum in Typum dñi montē illum imola-
turus ascenderet: aries inter vepres apparuit. Ab hoc viro san-
ctissimo duodecim iudeoz tribus profecte sunt: et totus Israel
liticus pplus originē habet. qui ab alienis preputioz circūcisio-
ne secernit̃: quā sepringentis annis fuisse ante datam Moyse
legem priscoz monumentis accepimus. Cum autē Abrahā in-
telligimus: quē natuz fuisse post diluuiū scripsit Melo. Quiq̃
duabus vxoribus Egyptie videlicet et indigente copulatus fu-
it: cuius duodecim filij ex Egyptia que ancilla erat vniuersam
Arabiam tenuerūt. Unde illoz sublatu est error: qui nō Abra-
hā patrem Isaac: sed alterū qui post migrationē Jacob in egyptum
natus est inuenisse primū circūcidendi pueros cōsuetu-
dinē astruebant. Illū Elach fuisse filiū et pastore dicunt: vxorez
habuisse Locabeth: suscepisse Aaron quendam ac Moysem di-
uersum a Moyse illo Amaramis et Jouelis filio: qui antique le-
gis tabulas pmulgauit. Nec eadem Theodotus elegantī me-
tro cōscripsit. Confirmat Artapanus ac Philon nō iudeus. No-
ster vero de quo loquimur Abrahā in Camprine Babilonie vr-
be: quam alij Urien vocant. Latine Caldeopolim dicimus ori-

2

ginē habet. Qui astrologie apud Chaldeos inuētor quam pheni-
ces edocuit: ita gratus deo: ita acceptus fuit ut primus esse me-
reret. Qui cōtra originale peccatum nobis arma porzigeret. O
quantū. B. p. huius ossibus humanū genus astringit. Fuit enī
is quo lucescere ceperūt tenebre. Fuit is qui celū (nō dicā ape-
ruit: sed aperiēdi spem certissimā nobis tribuit. Fuit is ex cuius
semine egressa est virgo iesse: et ex quo natus saluator mundi (C
postq̃ cōsumati sunt dies octo) voluit circūcidi. Non q̃ alicui
peccato esset obnoxius (erat enī dei filius: in quo via colubis
reperiri nō poterat) sed ut legis quā pmulgarat nō videret es-
se p̃ceptor. Circūcidit hodie puer altissimi: et imponit ei nomen
Iesus qd̃ est sup̃ om̃e nomē. Hodie saluari incipim⁹. P. s. Habe-
mus enī Iesuz: habemus saluatōrē: qui pro hoīe quē fecit hodie
cepit sanguinē effundere. Et cū nullā peccati maculā cōtraxis-
set: p̃ctā nr̃a adhuc puer: adhuc in tenella etate voluit suo cru-
ore diluere. O patrē clementissimū: o habentē plena misericor-
die viscera. Pellicano similis factus es. O ingrātū Edaz: o grā-
dis inobediētis: o imanis: o imensa crudelitas: que pueri octo-
dierū sanguinē elicias. Ille lac virginis: tu pueri sanguinē emū-
gis. O Basilidiani qui passum Iesuz abnegatis. Aspicite circū-
cisum puerū vix in luce editū sui populi iam p̃ctā comedere. O
Appellite qui Iesum fantastiū fuisse hoīem dicitis: audite va-
gientis vocē. Et excepto vulnere puerū dolere iaz credite. O in-
iqui Sedechiani: videte nō Sedech Ade filiū: quē xp̃m falso pu-
tabatis. Sed Iesum primogenitū Marie: qui pro vestri Sedech
parēte hodie cruciatus efficit. O crudeles nazareni: o efferi ac
seuissimi Cherintiani: qui circūcisionē post resurrectionem xp̃i
annis fere mille seruastis: Cur adhuc puerū circumciditis. Si
crucifixus: si mortuus: si sepultus ē iste puer: cur crucifixo: mor-
tuo ac sepulto adhuc vulnus infligitis. Relinquire iam seuitiā
hanc: et baptismo errata vestra diluite. O Aetiani: qui patrem
passum esse astruitis: relinquire insaniam hanc: et videte octo-
dierum puerum (qui pater esse non potest) huc hodie ut circū

cidatur adductū. O Valentiani. O Alexandrini. o manichei.
quibus belluz indictū est. O Ebionite: o deniq; heretici omēs
falsi dogmatis assertores: expuite iaz fermentū vetus: et adamā
tini pectoris feritatem: et pueri Iesus considerate clementiam:
qui lacte indgens ac nutrice sanctissimā ac purissimā carnem
dolore circūcisionis affligit. Et cur pati penam banc voluit Je
sus: qui sine peccato: qui sine labe fuit. Profecto nō alia de cau
sa nisi vt legem quā per Abrahā ediderat ostenderet iniustam
non esse. Et ne alienigena videret qui erat de Abrahe semine
nasciturus. De eo enim scriptū est qđ in lege eius meditabitur
die ac nocte: et in lege dñi voluntas eius: quā nō soluere venit
iste filius sed adimplere. Ne tibi terra Iudea que dominū tu
um nō cognouisti. Nulla tibi relinquit expurgatio: nō dissimi
lis erat Iesus. Circūcisus erat sicut et tu. In ppria tñ venit et
sui eum nō receperunt. Decepti etiam hoc signaculo demones
sunt: qui Iesum (cum circūcisus esset) putātes peccatozē nati
uitatis sue misteria nō nouerunt. Dilexit ergo nos iste puer: et
lauit a peccatis nostris in sanguine suo. Ostēdit se hodie xp̄s
verum hominē esse: vt Alexandrinū Manicheū Ebionemq; cō
funderet. Est et alia ratio qua circūcidi voluit xp̄us: vt ostende
ret pastozē ecclesie circūcisum esse debere nō in carne sed in cor
de. Huic enim vinea dñi credita est. Et cuz palmites simus: ne
cesse est vt suo circumcidamur et expurgemur exemplo. ¶ For
ma in hoc sacramento ea erat: vt postq; consumati sunt dies
octo circūcisio celebret. Ita enī Abrahā primus in Isaac ser
uauit: a quo ceteris circūcidendi norma tradita est. Hanc for
mā non obseruāt Arabes: sed exacto decimotertio anno circū
cidi solent: eo qđ Ismael qui eoz gentem instituit: nō nisi post
hoc temporis spaciū signaculū a patre suscepit. Sed hoc est pa
ctū meū inquit dñs ad Abrahā: Circūcideris ex vobis omē ma
sculinū: dimitterisq; illud septem diebus matri sue: octaua die
reddetis mihi. Idq; semper postea seruatum est: vt octauo die
transacto hebreoz mares circūciderent. ¶ Rationes adducun

tur plurime. Tener enī vt dicunt phisici ante hoc tēpus nimis est puer: et doloris impatiēs obire facile posset. Unde refert Aristoteles nō nisi septem diez pueris fuisse apud antiquos nomē impositū. Ante enim eoz saluti credendū non erat: cuz interire multi paruuli p̄suerint. Vel quia veluti octaua erit resurgētum etas: ita videat octauo die circūcisus puer: quasi a p̄imi parentis culpa resurgere: in qua septē ante diebus iacuerat obvolutus. Laborauit sex dies dñs pro hoīe septimo requieuit: octauo redemit ipsum: qui dies dñi est. Fuit et antiqua moris ante octauū diem animalia in templū non offerri. Hic enī numerus diuinaz reruz ceremonijs erat aptissimus. Unde veteres octauas festoz hoc ipso claudi numero voluerūt. Addunt et rationē suā Arithmetrici. Nam ex sentētia Macrobij atq; Boecij octonarius numerus prim⁹ ex numeris cubus est: et humane vite perfectū cursum significat. Sicut enī sub figura cubitali perfecta bis duo bis p̄cipiūt octo: vt tradūt Platonici et a Calcidio declarāt. Ita sub figura quadrangulārī virtutū que exinde perfecta dicūt: bis duo bis: que ex duplici animi purgatione resultant: octonariū premij perficiūt et beatitudinis statū: vt Plotin⁹ in libello de purgatiōe sapientis affirmat. Ob hoc Plato Porphyrius: ceteriq; platonici animaz beatay sup̄imas sedes in octaua spera ponere ausi sunt. Nam sicuti macrobio placet atq; Calcidio in septem planetay speris purgatione quadā septies depurata: tandē in octauo die deo feliciter cōiungunt: et cuz diis idest sanctis spiritibus morā trahunt. Quā quidē opinionem tanq̄ fidei nr̄e consentaneā approbare videt Augustinus: xp̄s (inquiēs) post resurrectionē suā septez decursis dieb⁹: octauo die oībus discipulis manifestus apparuit: vt ostēderet in octaua resurgentiū etate vitam posse oēs degere beatissimā. Optime ergo per Salomonē ecclesiastes dicit: Da partes septem nec nō et octo: quasi inferre velit: ibunt per septē dies de virtute in virtutē. In octauo vero (sicut p̄pheta predixit) videbit deus deoz in syon. Sunt et q̄ ideo octauo die circūcidi puerz dicāt q̄

octo sint orbes illi superiores: per quos elapsas mortaliū aīas
infusasq; corpibus arbitrant. Erat ⁊ alia circūcidendi forma.
Nō enī ferro originale peccatū delendū fuit. Nam vir sangui/
nū non est deus: sed petrino cultro. Petra autē xp̄us est: sine cu/
ius grā dimitti primorū parentū culpa nō potuit. Petra igitur
opus est p̄ sancte. Illa (dico) acutissima petra: qua filij sui pre/
puciū Sephora circūcidit. Erasmus mēbris oībus circūcidēdi:
qz omni ex parte peccamus. Sed in eo tm̄ mēbro fieri iussa ē cir/
cūcisiō: vnde mortalis homo progredit. Et qz cum p̄pucio. i. cū
peccato nascimur oēs: circūcidimur oēs cultello petrino qui
xp̄us est. Feminas vero incircūcisas esse voluit deus: Qd neq;
vim neq; formā ad generationē prolis adhibeāt: sed materiam
dūtaxat suppeditare corpibus estimant. Circūcisiōne autē nō
corporis sed anime tollebat interitus. Virū preterea qui ad dei
imaginē factus erat: tanq̄ eius violatorē mūdari p̄mo oportu/
it. Mulier vero cū (secundū Aurelij Augustini sniam) ad ima/
ginē dei facta nō sit: nō tantū visa est deliquisse: licet vir prima
eius suggestione peccauerit. Per vnū hoīem (inquit Paulus)
mors intrauit in mundū: ⁊ posteros oēs infecit. Hunc ergo per
quē intrauit circūcidamus: Nō mulierē: que originalis peccati
carnem tm̄ siue materiā administrat. ¶ Restat vt sacramēti hu/
ius misteriū recludamus. Qd ideo in calce orationis ⁊ loco no/
uissime reſeruātū est: vt illud tanq̄ postremo acquisitū semper
ante faciē nostrā: ante oculos: ante oīa verſet. Quid aliud mi/
stica est prepucij circūcisiō q̄ ad ipsum deū: qui p̄pter peccat/
i originē nobis cū excanduerat facta cōciliatio: facta pac: faci/
ta vnio: per cordis ⁊ vitij circūcisiōnē. Nam vsq; in hunc diem
sanctissimū: qui nō iniuria in caput anni cōstitutus est: exules
oēs fuimus: ac celi hostes arma habentes demonū: que ad nos
infelices Adam quasi hereditaria ſucceſſione trāsmiserat. Aūc
vero nō demonū cultro sed petrino pacem cum xp̄o inuimus.
Quā pacem (heu miserā: heu infelicitatez nostriam) videmus
bac tēpeſtate quasi extra mūdi terminos exulasse: circūcidi nos

suo exemplo xp̄us edocuit: refecari prepuciū ⁊ discordiāz fomē
 ta precepit. Nos vero (quibus de virtute in virtutem transeun-
 dum erat) de infirmitate ad infirmitatē transimus: ⁊ hanc cir-
 cūcidendi legem veluti abrogatam explodimus. Contra quos
 ad Eugeniū exclamat deuotus Bernardus. O petre: o Clemēs
 o xp̄i vicarij omēs: o episcopī: o sacerdotes: o diaconi: o subdia-
 conī: seruate seruate seruate circūcisionem: nō carnis (illa enī
 veteris testamenti institutio fuit) sed cordis: sed vitiōz: sed
 scelez omniū. Ne enim incircūcis pastozibus. Caueant: nō ef-
 ferant: non superbiant. Deminerint ab eo multū repetendum
 esse cui multū datum est. Grauior est eoz offensa q̄ subditiōz
 Seruus in dominū peccat si quid peccat: libertus in patronum
 vasallus in regem: rex in imperatorē: imperator in summū pon-
 tificem. Pontifex autē si incircūcisus sit et delinquat: potest ad
 deum cōverti ⁊ cū Dauid dicere: Tibi soli peccaui ⁊ malum co-
 ram te feci. Circūcidite vos sicut ⁊ ceteri circūcisi sunt: sed cul-
 tello petrino ⁊ amore xp̄i. Nos autē inquit Hieronymus nō cor-
 da scindimus sed vestimenta: non petrino cultro sed acuto fer-
 ro alter alterū petit. Preclarum illud testamentū pacis in quo
 xp̄s nos heredes fecit infringimus: iacentem relinquimus her-
 editatem: non adimus: repudiamus. Negligimus pacem illā
 sanctissimā: quam nobis cum deo prestitit circūcisio. Sine qua
 quid est quod nō corruat: dilabatur: adnihilē. Euz qua quid est
 quod nō crescat: emineat: efferatur: non cedis. Audi pater san-
 cte que pestis tuū: o Assyria regnū demolita ē: discordie. Quis
 te tā late imperatē inuasit Grecia: seditio. Quis libertatē ve-
 stram eripuit Persarū ac Medoz reges: inimicie. Quis La-
 cedemonij vos euerit: odia. Quis Athenienses Eptionios Ju-
 deosq; prostrauit: bella. Quis te o Roma mundi domina quasi
 in seruitutem redegit: que oibes etiam remotissimos tuo mari
 te subegeras: factiones. Quis thurcis ⁊ Barbaris contra fidez
 xp̄i arma pōnerit: contemptus vere circūcisionis: ⁊ negligentia
 pacis. Diligiam Aliam Beticam nostro tempore: nostra etate:

subdidere Mahumetis imperio: quos Thurcos en pater sancte: en papa Innocenti: en christi vicarie: nostras iam iam ceruicibus iminere conspiciamus: et matris nostre viscera inuadentes. Scit sanctitas tua quid Rhagusei scribant. Quid Rhodienses significant. Quid apud Aulonam paretur. Quid Calachus amiserit non ignorat. Unum dico: Nonaginta et nouem alas (iuxta diui Hieronymi sententiam) pro ecclesia hac in cruce perpassus est christus. Crucifigi: mori pro ecclesia hac sustinuit. Patiemur ne nos filij eam in perditionem labi. Conuenire in hoc omnes christiani deberent principes: ut arma in christi hostes non in matris sue viscera exercerent: quibus vestis christi incosutilis scinditur. Quas cum predones et pharisei scindere veriti sint (prohibe dolo) christiani inter se diuidere ac laniare contendunt. O petri spritibus inherentem nauiculam: O siculis agitatum procellis O undique a piratis oppressam. In syllam (ut video) vergeris vel carybdum. Omnes venti in te iam naufragam conspirarunt. Aperti sunt vlyris omnes vtres: et cum vite tue discrimine ipsum mare turbant. Nec est qui vel eolum placet: vel ventorum rabie pacem vlla componat: nisi forte tu Innocentius huic calamitati christi anorum ouium pastor (ut speramus) accurras. Qui oculi tanto excidio non citant in lachrimas. Quis fletus contegat vel singule? Nam christum nostrum: ecclesiam nostram: matrem nostram: Non iam ab Anna et Cappa: sed in crucem cernimus a nobis ipsis affigi. Non pugnant modo Julius et Pompeius: non Scipio pro delenda Carthagine: sed nos aduersus nos ipsos pro fide delenda: pro qua quis mortem verebitur oppetere. Sed populi christiani quasi duo gemelli in Rebecce utero idest ecclesie corpore nostra tempestate contendunt: quam nescio si matrem iam dixerim vel nouercam. Priuignos nos esse scio non filios. Aues nidum congerunt: oua fouent: pullos alunt. Et nos homines: nos rationabiles: nos quasi diuinum quiddam habentes nidum matris nostre discerpimus: laceramus: euertimus. Quid igitur christiani pontifices: quid orthodoxi principes dormiunt. Non

interrogat Petrum ancilla: et Christum negauimus. Tui predecessores pro huius ecclesie conseruatione sanguinem non dubitarunt effundere. Illi pii fuerunt: tu innocens es. Et sicut secum innocentia: ita tecum pietas esse debet. Sed quid hec ad circumcissionem inquires: nihil profecto. Unde vobis pastoribus ecclesiarum Christi matrem Christi: animam Christi relinquo. Hi omnes si vere circumcisi fuissent beatissime preter ad huc starent. Non tantam fecisset iacturam Christiana fides. Sed nulla sunt tam alta: tam magnifica: tam excelsa imperia: que (nisi circumcisa fuerint) non labantur. Si Christus pro nobis sanguinem fudit: cur nos non fundimus. Adone tibi o Christiane satisfactum videtur cum circumcissus est Iesus: cum flagellatus: cum crucifixus: cum lancea eius latus apertum. Quid ergo ad spargendum cruorem enses acuiamus: quibus (ut plurimum) vel nos ipsos: vel ecclesiam laceramus. Non tale reliquit nobis Petrus. Quis iam hodie circumcissus est: quis iam clauis venerat ecclesie: quis ei? immunitatem defendit: imo quis non inuadit: quis non rapit. Speculemur in triuijs: contemplemur fora: ricos omnes adeamus verba nos: omnes dentes suos in hanc miseram acuerunt: ab his malis circumcidi oportet humanum genus. Hoc figurabat circumcisio iudeorum: hoc nos quod figuratum est seruare debemus. Si nihil aliud preter litteralem sensum circumcisio ac veteris legis instituta significat: diuine auctoris libros paruo precio liceremur. Et nisi omnem diuinam historiam ad Christum et eius ecclesiam referamus: figmentis et fabulis vniuersa complebimus. Dicite mihi vos qui creditis preter litteralem sensum nil esse figuratum in sacris litteris. Quid tibi vult exprimi parentis latere Eva progrediens. Quid Cain Abel iusti sanguinem fundens. Quid Noe ligneam fabricans archam. Quid vinee plantatio et subsequuta ebrietas: Quid Cham verberandiam patris irridens. Quid patre Melchisedech incognito. Quid Abraham de terra sua et cognatione descendens. Quid post octo dies Isaac puerum circumcissum. Quid Isaac a patre ductus ad victimam. Quid Jacob primogenita fratris pelli circumpositione propriens: Quid Ioseph in egyptum venditus. Quid

vniuersa per Moysem gesta significāt. Quid agnus occisus in
 pasca. Quid primitiuoz extinctio. Quid postes sup limina cō/
 spersi sanguine. Quid trāsitus maris rubri. Quid Pharaonis
 obduratio ⁊ submersio. Quid māna. Quid legislatio. Quid de
 petra pfiliens aqua. Quid Enei serpētis erectio. Quid vniuer
 sa q̄ per heremū peragrāti populo cōrigere. Quid man? Moy
 si in formā crucis extente. Quid Josue. Quid iudiciū. Quid re
 gū tēpoza. Quid sacrificia: ceremonieq; leuitice. Quid ppheta
 rū omniū dicta. Quid facta cōclamant: omnia xpm dicunt: oīa
 xpm intelligūt: oīa xpm loquunt. Est ergo circūcisio figura pas
 sionis xpi atq; principiū. Hanc nos in corde seruem⁹: intremus
 per ianuā quā illa nobis aperuit: que hodie per baptisma lati⁹
 patet. In quo renati oēs: ⁊ hoc sacratissimo abluti liquore: de
 gratie restituimur. O saluatoris nr̄i benignitatē: o clementiā:
 o pietatē: durū visum est vt carnē scindamus. Noluit pater pijs
 simos filios suos dolore aliquo affici. Inuenit antidotū nouū:
 ⁊ aperto latere vnguentū preciosissimū edidit: quo sine passiōe
 ab originali culpa mundemur. Nō vult amplius vt cruētemur
 bestijs: nō vt hircos: vt vitulos in holocaustū offeramus. Sate
 est prolutū aqua hominē esse: ⁊ coram deo corde humiliato affi
 stere. Hunc itaq; Pat. ampl. sacratissimū circūcisionis diem ve
 neremur: quē possumus sicut anni principium ita ⁊ ianuaz: per
 quā ad paradīsum ingressus patuit appellare. Quo in loco vti
 nam peracto vite nr̄e currículo: perenne offendamus domicili
 um. Et eoꝝ annueremur cōsortio: qui vere circūcisi sunt: ⁊ eter
 na gloria perfruamur.

¶ Anno incarnationis dñice. M. cccc. lxxv. Pontificatus vero
 Innocētij Anno primo.

